

**JP "Tržnica" Zenica
ZENICA
- POSLOVI DIREKTORA -**

Broj: 86/18

Datum: 05.01.2018. godine

Na osnovu člana 27. Statuta JP "Tržnica" Zenica, a u skladu sa odredbama člana 39. i 40. Zakona o unutrašnjoj trgovini ("Sl. nov. FBiH" br. 40/10), Zakona o izmjenama i dopunama Zakona o unutrašnjoj trgovini ("Sl. nov. FBiH br. 79/17) i odredbi Pravilnika o uslovima minimalne tehničke opremljenosti poslovnih prostora za obavljanje trgovine i trgovinskih usluga ("Sl. nov. FBiH", br. 49/12), Nadzorni odbor preduzeća na sjednici održanoj dana 27.12.2017. godine, donosi :

TRŽNO-PIJAČNI RED PREDUZEĆA

I OPĆE ODREDBE

Član 1.

Javno preduzeće "Tržnica" Zenica, ovim Tržno-pijačnim redom bliže uređuje tržna pravila za: izlaganje robe, način prodaje i asortiman proizvoda, čiji se promet može vršiti i vrste usluga koje će se pružati na tržnici i na pijacama kojim upravlja JP "Tržnica".

Član 2.

JP "Tržnica" Zenica ima uređene i prostorno odvojene:

- Gradska pijaca, Ul. M. Tita br. 48.,
- pijaca rabljenih i drugih roba, Ul. Goraždanska bb, Lukovo Polje
- pijaca u Crkvicama, Ul. D. Imamovića
- pijaca u Blatuši, Ul. Krančevića

JP "Tržnica" Zenica ne vrši promet roba, već pruža određene usluga propisane Zakonom o trgovini, Zakonom o zakupu poslovnih zgrada i prostorija, Zakonom o obligacionim odnosima, ovim Tržno-pijačnim redom i drugim propisima.

II GRADSKA PIJACA

Član 3.

Gradska pijaca (tržnica) je posebno organizirano i uređeno mjesto sa posebno izdvojenim cjelinama i prostorima na kojima se, u skladu sa zakonom obavlja djelatnost trgovine na malo poljoprivredno-prehrambenim i drugim dozvoljenim

proizvodima na prodajnim tezgama, štandovima, boksovima i kioscima, kao i prodajnim vitrinama u zgradi Gradske tržnice.

Član 4.

Na dijelu Gradske pijace na prodajnim tezgama se vrši izlaganje i promet voća, povrća, šumskih plodova, prerađevina i drugih dozvoljenih proizvoda.

Na ovom dijelu pijace, promet proizvoda i roba mogu vršiti pravna i fizička lica koja imaju odobrenje nadležnog Gradskog organa ili druga odobrenja u skladu sa pozitivnim zakonskim propisima.

Član 5.

JP "Tržnica" Zenica zainteresovanim licima (sa izdatim odobrenjem) može izdavati prodajne tezge pod rezervaciju, s tim što je dužno ostaviti potreban broj slobodnih, nerezervisanih tezgi za izlaganje i prodaju proizvoda korisnika koji povremeno vrše prodaju svojih proizvoda na pijaci.

JP "Tržnica" Zenica putem referenata naplate vrši naplatu dnevne naknade za korištenje tezgi, prema Cjenovniku kojeg utvrđuje nadležni organ Javnog preduzeća uz saglasnost Gradonačelnika.

Član 6.

JP "Tržnica" Zenica će obezbijediti odgovarajući broj mjerila i drugog mobilijera za potrebe korisnika koje će izdavati i naplaćivati po važećem Cjenovniku, kao i kontrolnu vagu koju će postaviti na vidnom mjestu na pijaci.

Član 7.

Pravna i fizička lica, kao i druga lica koja vrše promet i prodaju odgovaraju za legalnost svoga rada, kao i eventualne neurednosti i nezakovitosti u pogledu porijekla, vrste i kvaliteta proizvoda te mjerenja proizvoda kako prema samim potrošačima (kupcima) tako i prema nadležnim organima, a u skladu sa Zakonom o trgovini, Zakonom o zaštiti potrošača te drugih zakonskih propisa.

Član 8.

JP "Tržnica" Zenica će sve međusobne odnose sa svojim zakupcima i korisnicima usluga regulisati potrebnim ugovorima koji su u skladu sa zakonskim propisima i aktima preduzeća, kao i ovim Tržno-pijačnim redom, a posebno u pogledu poštivanja ugovornih odredbi, akata i cjenovnika preduzeća kao i pravila ponašanja.

Član 9.

Na dijelu Gradske pijace na prodajnim tezgama i štandovima vrši se promet rukotvorina, promet proizvoda domaće radinosti i zanatstva, osim industrijskih i drugih proizvoda koji su zakonom zabranjeni.

Član 10.

I za ovaj dio pijace primjenjuju se procedure i pravila propisana članom 5. i 7. ovog Tržno-pijačnog reda (rezervacije, dnevna naknada, legalnost, odgovornost i drugo).

Član 11.

U dijelu Gradske pijace na kojem su postavljeni prodajni boksovi i kiosci, djelatnost trgovine na malo dozvoljenim proizvodima obavljaju pravna i fizička lica na osnovu odobrenja nadležne Gradske službe.

Sa ovim licima JP"Tržnica" Zenica zaključuje Ugovor o zakupu shodno zakonskim i podzakonskim propisima i vrši fakturisanje i naplatu zakupnina i drugih usluga prema važećem Cjenovniku usluga.

Član 12.

U dijelu Gradske pijace u prizemlju zgrade Gradske tržnice, na prodajnim rashladnim uređajima (vitrine) pravna i fizička lica, sa potrebnim odobrenjima, vrše promet i prodaju dozvoljenih roba, a prije svega mesa, suhog mesa i mesnih prerađevina, mlijeko i mliječni proizvodi, sir, jaja i drugo.

I za ovaj dio pijace primjenjuju se procedure i pravila propisana članom 5. i 7. ovog Tržno-pijačnog reda (rezervacije, dnevna naknada, legalnost, odgovornost i drugo).

Član 13.

U prostorima smještenim u prizemlju zgrade Gradske tržnice djelatnost prema odobrenju obavljaju pravna i fizička lica (ugostiteljstvo, mesarski obrt i drugo).

III PIJACA RABLJENIH I DRUGIH ROBA**Član 14.**

Pijaca rabljenih i drugih roba je posebno uređeno i organizirano mjesto na kojem se obavlja trgovina na malo (ili pružaju druge trgovinske usluge) rabljenim robama (tehničkim, tekstilnim i drugim robama, rabljenim automobilima), a u skladu sa Zakonom o unutrašnjoj trgovini, drugim zakonskim i podzakonskim propisima i ovim Tržno-pijačnim redom.

Na dijelu ove pijace, na posebnom mjestu mogu se locirati i postaviti pokretna vozila za prodaju dozvoljenih roba.

U zavisnosti od potreba i korisnika usluga i lokalne zajednice na dijelu ove pijace može se na prodajnim tezgama i štandovima vršiti prodaja voća, povrća, sadnica i drugih dozvoljenih proizvoda.

Na dijelu ove pijace može se organizovati i postaviti prodajna mjesta na kojima će građani i druga zainteresirana lica, u zavisnosti od potreba, vršiti prodaju svojih polovnih odjevnih i drugih predmeta (buvljak), a u skladu sa odobrenjima nadležnih organa.

IV PIJACA U CRKVICAMA

Član 15.

Pijaca je smještena u naselju Crkvice, Zenica, i predstavlja organizovano i uređeno mjesto na kojem se vrši prodaja poljoprivrednih, zanatskih i drugih proizvoda na prodajnim tezgama i prostorima ili obavljaju druge usluge, od strane registrovanih korisnika usluga.

V PIJACA U BLATUŠI

Član 16.

Ova pijaca je posebno organizovano i opremljeno mjesto u novoizgrađenom objektu u naselju Blatuša, Zenica, u kojem su smješteni prodajni boksovi i prodajna mjesta – tezge, na kojima se vrši prodaja dozvoljenih proizvoda od strane registrovani korisnika.

VI RADNO VRIJEME

Član 17.

Radno vrijeme pijaca u ljetnom periodu (od 01.04. do 30.09.) počinje u 06,⁰⁰, a završava u 18,⁰⁰ sati, a u zimskom periodu (od 01.10. do 31.03.) počinje u 07,⁰⁰, a završava u 17,⁰⁰ sati.

Nedjeljom i u dane državnih i vjerskih praznika pijace rade do 14,00 sati.

U dane praznika vidno se ističu prigodna obilježja u skladu sa zakonom i odlukom nadležnih općinskih organa.

Snabdijevanje pijaca vrši se na način i u vrijeme koje ne ometa rad i poslovanje. Snabdijevanje robama Gradske pijace u toku radnog vremena vrši se priručno ili kolicima bez motornog pogona, a motornim teretnim i drugim vozilima svakog dana u vremenu od 20,⁰⁰ do 07,⁰⁰ sati. Vozila se mogu zadržavati samo koliko je potrebno da se roba istovari u skladišne i druge prostore.

Član 18.

Radno vrijeme naplatne službe, sanitarnih prostorija, službe za održavanje čistoće te drugih, usklađuju se prema potrebi za normalno odvijanje poslovanja na pijaci, s tim da se čišćenje i pranje pijačnog prostora ne smije obavljati u radno vrijeme pijaca.

VII ZAJEDNIČKE ODREDBE

Član 19.

U toku rada zakupci i korisnici usluga su dužni sami brinuti o održavanju čistoće prodajnog mjesta na kome izlažu svoje proizvode.

U toku rada prodavači su dužni sami brinuti se o održavanju čistoće prodajnog mjesta na kome izlažu svoje proizvode.

U toku rada pijace nije dozvoljeno glasno vikanje, glasno reklamiranje proizvoda, potezanje potrošača za odjeću ili ruku, te rasprava ili svadja sa potrošačima ili ponudjačima.

Po završetku rada zakupci i korisnici usluga su dužni svoje robe ukloniti i odstraniti sa prodajnog mjesta, a otpatke i ambalažu pokupiti i odložiti u za to određene kontejnere.

Član 20.

Zabranjeno je izlaganje i prodaja izvan određenih prodajnih mjesta i prodaja proizvoda koji nisu predviđeni da se prodaju na tom dijelu pijace, ležanje, sjedenje na tezgama, zadržavanje na pijacama po završetku radnog vremena, pomjeranje prodajnih mjesta (tezgi) bez odobrenja nadležnog organa, ostavljanje predmeta ili robe na prodajnom mjestu radi rezervacije prostora za naredni dan i sl.

Rezervisana i izdata prodajna mjesta ne mogu se izdavati drugim licima u podzakup ili na korištenje.

Zabranjeno je izlivanje bilo kakvih otpadnih voda na pijačne prostore, kao i polijevanje voća i povrća na način da se voda razlijeva ispod prodajnog mjesta, jer se time zagadjuje pijačni prostor.

Član 21.

Promet roba na pijacama obavlja se u skladu sa Zakonom o trgovini, odredbi drugih posebnih zakona i ovim Pijačnim redom.

Pravna i fizička lica, koja imaju odobrenje mogu obavljati promet na pijaci u za to namjenski opredjeljenim prostorima koji ispunjavaju minimalno tehničke uslove u pogledu opremljenosti

Član 22.

Registrovani korisnici usluga koji vrše promet i prodju mesa i mesnih prerađevina, mlijeka i mliječnih prerađevina, sira, jaja i drugih proizvoda animalnog porijekla, za vrijeme rada trebaju nositi čiste bijele ogrtače i bijele kape, a žene takodje bijele kape - marame i povezane kecelje i bijele podlaktice

Član 23.

Svi nesporazumi koji nastanu između kupaca i prodavača, između pojedinih prodavača ili između pojedinih kupaca mogu se prijaviti referentima naplate ili drugim radnicima preduzeća JP "Tržnica".

Zabranjeno je na bilo koji način ometati radnike JP "Tržnica" u obavljanju njihove dužnosti.

Član 24.

Prilikom izlaganja robe na prodaju, prodavačima je dozvoljeno koristiti isključivo prodajnu površinu dodjeljenog im prodajnog mjesta.

Proširivanje prodajne površine dodjeljenog prodajnog mjesta raznim priručnim sredstvima nije dozvoljeno.

Član 25.

Pravna i fizička lica koja na osnovu odobrenja obavljaju djelatnost na pijacama odgovaraju za legalnost svoga rada, kako prema nadležnim organima tako i kupcima – potrošačima, odgovaraju za obaveze isticanja izdatih odobrenja, cijena roba i usluga, tačnosti mjerenja te drugih obaveza shodno Zakonu o unutrašnjoj trgovini, Zakonu o zaštiti potrošača i Zakonu o mjeriteljstvu.

Član 26.

Svi proizvodi koji se prodaju na pijacama mjere se mjerilima važećeg standarda uz primjenu mjernih jedinica ili se prodaju na komad.

Sva mjerila moraju biti takvi da se njima osigura tačnost mjerenja.

JP "Tržnica" će svim korisnicima usluga koji plate utvrđenu naknadu osigurati korištenje ispravnih mjerila.

JP "Tržnica" je dužna obezbijediti kontrolnu vagu kako bi kupac mogao izvršiti kontrolu kupljene robe.

Član 27.

Prodajne tezge, mjesta odnosno prostori, boksovi i kiosci daju se korisnicima i zakupcima za korištenje na određeno, na osnovu Ugovora o zakupu, kojim se regulišu međusobna prava i obaveze.

Član 28.

Sve usluge koje preduzeće naplaćuje po osnovu zakupa prostora, dnevnih naknada - placarina za korištenje tezgi, vitrina i drugo, usluge zakupa skladišta, usluge izdavanja vaga, priručnih magacina kao i druge usluge utvrđene su važećim Cjenovnikom usluga i drugim potrebnim odlukama koje usvaja Nadzorni odbor preduzeća, a potrebnu saglasnost daje Skupština preduzeća.

Član 29.

O izvršenoj naplati (za sve vrste usluga) izdat će se korisniku usluga faktura – račun ili fiskalni račun, koji je korisnik radi kontrole dužan čuvati sve do završetka dnevnog rada.

VIII PRELAZNE I ZAVRŠNE ODREDBE**Član 30.**

JP "Tržnica" Zenica će Ugovore o zakupu prostora, boksova, kioska, prodajnih tezgi i vitrina kao i Ugovore o rezervacijama zaključivati sa pravnim i fizičkim licima koja imaju potrebna odobrenja za obavljanje djelatnosti izdata od strane nadležnih organa.

Član 31.

Svi učesnici u prometu roba na pijacama dužni su da se pridržavaju odredaba ovog Tržno-pijačnog reda.

Član 32.

Ovaj Tržno-pijačni red stupa na snagu danom dobijanja potrebne saglasnosti od strane Gradonačelnika Grada Zenice.

**Predsjednik Nadzornog
odbora:**



Branislav Lovrić

Na osnovu člana 34. stav 6. i člana 117. Statuta Grada Zenica ("Službene novine Grada Zenica" broj 5/15) Gradonačelnik donosi,

Z A K L J U Č A K
o davanju saglasnosti na odluku o usvajanju
Tržišno-prijačnog reda preduzeća

I

Daje se saglasnost na Odluku o usvajanju Tržišno-prijačnog reda preduzeća, broj 85/18 od 05.01.2018.godine koji je utvrdio Nadzorni odbor JP "Tržnica" d.o.o. Zenica.

II

Za realizaciju ovog zaključka zadužuje se menadžment Javnog preduzeća "Tržnica" d.o.o. Zenica

III

Ovaj zaključak stupa na snagu danom donošenja i objavit će se u „Službenim novinama Grada Zenica“.

Broj: 02-49-322 11P-1
Zenica, 11. 01. 2018. godine



DOSTAVLJENO:

- 1x JP Tržnica d.o.o. Zenica
- 1x NO Tržnica d.o.o. Zenica
- 1x "Službene novine Grada Zenica"
- 1x Služba kabineta Gradonačelnika
- 1x a/a

**JP "TRŽNICA" ZENICA
ZENICA
- NADZORNI ODBOR -**

Broj: 85 / 18

Zenica, 06.01. 2018 godine

Na osnovu člana 26. i 27. Statuta JP "Tržnica" Zenica, Nadzorni odbor preduzeća na 11. sjednici održanoj dana 27.12.2017. godine, donio je

**ODLUKU
o usvajanju Tržno-pijačnog reda preduzeća**

Član 1.

Usvaja se Tržno-pijačni red preduzeća usaglašen sa odredbama Zakona o unutrašnjoj trgovini, Zakona o izmjenama i dopunama Zakona o unutrašnjoj trgovini i odredbi Pravilnika o uslovima minimalne tehničke opremljenosti poslovnih prostora za obavljanje trgovine i trgovinskih usluga.

Član 2.

Usvojeni Tržno-pijačni red potrebno je proslijediti Skupštini preduzeća radi davanja potrebne saglasnosti.

Član 3.

Odluka stupa na snagu danom donošenja, a za njenu realizaciju zadužuju se stručne službe preduzeća.

M. Lovrić

**Predsjednik
Nadzornog odbora**
Branislav Lovrić

